



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-400;
fax. +387 33 726 414
e – mail: info@voda.ba

„Broj: UP-1/21-3-40-595-6/21

Datum: 22.03.2022. godine

«Agencija za vodno područje rijeke Save» Sarajevo rješavajući po zahtjevu Investitora „WOODLAND“ d.o.o. Drvar u postupku izdavanja vodne dozvole za ispuštanjem oborinskih, onečišćenih voda u prirodni recipijent i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada pogona za proizvodnju peleta sa pratećim sadržajima izgrađenog u ul. Jove Kecmana br.2, na području općine Drvar na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „WOODLAND“ d.o.o. Drvar za ispuštanje oborinskih, onečišćenih voda u prirodni recipijent i aktivnosti koje mogu imati specifične uticaje na vode prilikom rada pogona za proizvodnju peleta sa pratećim sadržajima izgrađenog u ul. Jove Kecmana br.2, na k.č. br.48/7-3, P.L. 798, k.o. Drvar Grad, općina Drvar.
2. Ova vodna dozvola se odnosi isključivo na aktivnosti i lokaciju oboje definirano tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona 10- Županija Livno u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
 - 3.1 Da, za vrijeme trajanje ove dozvole, korisnik objekata, način odvodnje oborinskih i tehnoloških voda kao i njihov tretman uskladi i realizira shodno izrađenoj dokumentaciji „Glavni projekt odvodnje tehnološke i oborinske parterne otpadne vode“ izrađenog od „Zagrebinspekt“ d.o.o. Mostar, oznake 01-15-55-III/22 od 3/2022.god..
 - 3.2 Da korisnik navedenih objekata za vrijeme trajanja ove dozvole, osigura da se otpadne vode iz objekta i sa manipulativnih površina nesmetano sakupljaju i odvođe do objekata predviđenih za tretman otpadnih voda-sustava taložnika i separatora ulja i masti s ispustom u prirodni recipijent. Kvalitet voda na mjestu ispuštanja iz separatora masti i ulja mora biti sukladna članku 14. Uredbe o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).

- 3.3 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih člankom 14. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.4 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.5 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.6 Otpad koji nastaje u proizvodnom kompleksu i drugi nusproizvodi, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale kao i područje vodozaštitnih zona.
- 3.7 U cjelokupnom proizvodnom kompleksu, zabranjuje se pretakanje nafte i naftnih derivata u bilo kom obliku i namjeni dok se ne izradi sustav za prikupljanje i tretman otpadnih voda.
- 3.8 Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9 S ovlaštenim poduzećem sklopiti ugovor o održavanju, čišćenju i pražnjenju separatora masti i ulja i voditi evidenciju o istom.
- 3.10 Za vrijeme trajanja ovog rješenja ishoditi okolinsku dozvolu od nadležnog organa za cijeli kompleks „WOODLAND“ d.o.o. Drvar.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda (točka 25. tabele) te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, „WOODLAND“ d.o.o. Drvar je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima

predmetnog objekta obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav 1 Zakona o vodama („Službene novine Federacije BiH“ broj 70/06) se daje sa rokom važenja od dvije (2) godine od dana pravosnažnosti rješenja.

O b r a z l o ž e n j e

Investitor, „WOODLAND“ d.o.o. Drvar obratio se ovoj Agenciji sa zahtjevom za ispuštanje oborinskih, onečišćenih voda u prirodni recipijent i aktivnosti koje mogu imati specifične uticaje na vode prilikom rada pogona za proizvodnju peleta sa pratećim sadržajima izgrađenog u ul. Jove Kecmana br.2, na k.č. br.48/7-3, P.L. 798, k.o. Drvar Grad, općina Drvar.

Uz zahtjev je dostavljena slijedeća dokumentacija:

- Rješenje o registraciji od 05.05.2021. godine izdato od strane Općinskog suda u Livnu;
- Uvjerjenje o poreznoj registraciji od 21.04.2010. godine izdato od strane Porezne uprave Livno;
- Uvjerjenje o registraciji / upisu u Jedinstveni registar obveznika indirektnih poreza br. 04/1-17-1-35-322-7/10 od 06.09.2010.god.;
- Presuda br.10 0 U 005185 20 U od 20.12.2021.god., izdano od Kantonalnog suda u Livnu o prenosu nekretnina uvedenih u P.L. br. 798 na WOODLAND d.o.o. Drvar;
- Račun br. 87/2022 od 31.01.2022.god., koji se odnosi na prikupljanje otpada, korištenja kanalizacije i vodoopskrbnog sustava ispostavljen od J.P. Komunalac d.o.o. Drvar;
- Rješenje kojim se odobrava rad poduzeću Woodland d.o.o. Drvar br. 05-04-1-18-366/10 od 20.10.2010.god., izdano od Ministarstva gospodarstva Hercebosanske županije;
- Građevinska dozvola br 04-23-9-1176/13 od 17.4.2013.god., izdana od Službe za imovinsko-pravne i geodetske poslove;
- „Glavni projekt odvodnje tehnološke i oborinske parterne otpadne vode izrađenog od „Zagrebinspekt“ d.o.o. Mostar , oznake 01-15-55-III/22 od 3/2022.god.;
- Uplatnice administrativne takse;
- Uplatnica po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-595-5/21 od 18.03.2022. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Proizvodni pogon, koji se koristi za proizvodnju peleta, je u vlasništvu poduzeća „WOODLAND“ d.o.o. Drvar i nalazi se u ul. Jove Kecmana br.2 (industrijska zona, lokalitet bivšeg poduzeća za proizvodnju tepiha „Danica Maretić“) na području općine Drvar, na lokalitetu označenome sa k.č. br.48/7-3, P.L. 798, k.o. Drvar Grad, općina Drvar.

Proizvodni kompleks sastoji se od jedne hale u kojoj se odvija cijeli proces proizvodnje i manipulativnih površina koje se koriste za skladištenje i unutarnji transport.

Za proizvodnju peleta godišnje se upotrebi cca 15.000,00 m³ drvene mase.

Vodoopskrba se vrši iz gradskog vodovoda kojim gospodari JP „KOMUNALNO“ d.o.o. Drvar.

Sanitarno - fekalne vode nastaju u dijelu objekta koji se koristi za administraciju i upuštaju u postojeći kanalizacioni sustav kojim gospodari JP „KOMUNALNO“ d.o.o. Drvar.

Oborinske vode s manipulativnih površina se bez tretmana upuštaju u gradsku kanalizaciju i za vrijeme trajanja ovog rješenja Podnosioc zahtjeva je u obavezi izgraditi sustav za prikupljanje i tretman otpadnih voda sukladno članu 3.1 i 3.2 ovog rješenja.

Predmetni kompleks nalazi se na području industrijske zone i Prostornim planom općine Drvar definirano je za prostor i razvoj privrede.

Do sada nije vršen monitoring otpadnih voda.

Kako nije izveden sustav za prikupljanje i tretman otpadnih voda ova vodna dozvola se daje na dvije godine.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uvjeti kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke s) i cc) i člana 14. i 15. Uredbe o uslovima ispuštanja otpadnih voda u okoliš i sisteme javne kanalizacije.

Točka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatira se da je podnosilac zahtjeva „WOODLAND“ d.o.o. Drvar, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 , 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata


Haris Ališehović, dipl. ing.grad.

Dostaviti:

- „WOODLAND“ d.o.o. Drvar, Jove Kecmana br.2, Drvar
- AVP, ISV – Vodna knjiga
- Sektor 50,
- Sektor 40, arhiva
- Oglasna ploča-AVP Sava